

UGOVOR O NABAVCI ROBA

-kontinuirana isporuka goriva i maziva za službena vozila SERDA d.o.o. Sarajevo-

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Ugovorni organ),
i
2. **„HIFA-PETROL“ d.o.o. Sarajevo**, ul. Hotonj b.b. Sarajevo, Vogošća, koga zastupa direktor Muhamed Vrabac, (u daljem tekstu Dobavljač)

I PREDMET UGOVORA

Član 1.

Predmet ovoga ugovora je nabavka naftnih derivata (goriva i maziva), putem konkurentskog zahtjeva za dostavljanje ponuda, za službena vozila Agencije SERDA d.o.o. Sarajevo, a prema Ponudi ponuđača br: JN-202/21 od 15.01.2021. godine.

Kupoprodaja će se vršiti na benzinskim stanicama Dobavljača.

Sastavni dio ovog Ugovora je specifikacija roba iz poziva za dostavu ponuda br. JN-09/21 od 11.01.2021. g i Ponuda ponuđača br: JN-202/21.

II CIJENA

Član 2.

1. Ugovorni organ će Dobavljaču dostaviti spisak vozila, sa registarskim brojevima, i spisakom ovlaštenih lica koja mogu preuzimati robe.
2. Ugovorni organ ili njegov ovlašten predstavnik, obavlja kvantitativni i kvalitativni prijem roba na mjestu isporuke pa je obavezan da odmah stavi reklamaciju na uočene nedostatke, inače gubi pravo na naknadne reklamacije.
3. Dobavljač prilikom predaje robe sastavlja pisani dokument o izlazu robe-prezimanju robe koja sadrži naročito: komercijalni naziv robe, količinu i cijenu, ukupan iznos, datum i potpise ovlaštenih lica Dobavljača i Ugovornog organa.

Član 3.

Cijena ponude za konkretne robe je 5.982,30 KM (slovima: pethiljadadevetstotinaosamdesetdvije i 30/100 KM) bez PDV-a, a cijena ponude sa PDV-om je 6.999,29 KM (slovima: šestiljadadevetstotinadevedesetdevet i 29/100 KM).

Dobavljač se obavezuje na nepromjenjivost ponuđenih cijena tokom ugovornog perioda, osim u slučaju promjene cijena na tržištu ili promjena vezanih za uvođenje novih zakonskih obaveza, uz obavezu dostave pismene obavijesti Ugovornom organu.

Eventualne promjene cijena će se odvijati uz saglasnost sa Ugovornim organom i uz odobrenje nadležne institucije, Federalnog ministarstva trgovine.

III NAČIN PLAĆANJA

Član 4.

Plaćanje za robe iz člana 1. ovog Ugovora, Ugovorni organ će izvršiti u roku od 30 dana od dana fakturisanja, putem poslovne banke Dobavljača na račun broj: 3385502203296597 otvoren kod UNICREDIT Banke.

Za kašnjenje u izmirenju obaveza nakon utvrđenog roka plaćanja Dobavljač će Ugovornom organu zaračunati propisanu zakonsku zateznu kamatu.

Dobavljač ima pravo Ugovornom organu usloviti, ograničiti ili obustaviti dalje isporuke robe odnosno izdavanje robe u slučaju da Ugovorni organ neuredno vrši plaćanje.

IV ROK ISPORUKE

Član 5.

Dobavljač se obavezuje da robe iz člana 1. isporuči odmah od 00-24 sata od dana potpisivanja ovog ugovora u periodu do 1 godine, na benzinskim pumpama Dobavljača navedenim u Ponudi.

V OBAVEZE UGOVORNOG ORGANA

Član 6.

Ugovorni organ se obavezuje da:

-izvrši obavezu iz člana 4. ovog Ugovora

VI OBAVEZE DOBAVLJAČA

Član 7.

Dobavljač se obavezuje da:

-izvrši obavezu iz člana 5. ovog Ugovora,

-isporuči robe traženog kvaliteta,

-ispostavi fakturu za isporučene robe.

VII PENALI

Član 8.

Za svaki dan zakašnjena Dobavljač se obavezuje da Ugovornom organu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

VIII VIŠA SILA

Član 9.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 24 sata od nastanka više sile.

Ugovorne strane će se sporazumjeti da li će se utvrditi novi rok za isporuku odnosno primanje ili plaćanje robe.

Pod višom silom podrazumijevaju se događaji koji se ne mogu predvidjeti subjektivnom voljom ugovorne strane.

IX TRAJANJE UGOVORA

Član 10.

Ovaj Ugovor stupa na snagu danom potpisivanja od objiju strana i traje jednu godinu.

X OSTALE ODREDBE

Član 11.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Ugovorne strane su saglasne da se ovaj ugovor može jednostrano raskinuti pismenim putem. Otkazni rok je 7 dana.

Član 12.

Dobavljač nema pravo zapošljavanja, u svrhu izvršenja ugovora o nabavci, fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, šest mjeseci po zaključenju ugovora

Član 13.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 14.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

ZA DOBAVLJAČA:
„HIFA-PETROL“ d.o.o. Sarajevo
DIREKTOR


Muhamed Vrabac


Broj: 889/11
Dana, 16.03.11

ZA UGOVORNI ORGAN:
SERDA d.o.o. Sarajevo
DIREKTOR


dr. Ševkija Okerić


Broj: UG-56/21
Dana, 10.03.2021